



KENYATAAN MEDIA
ZAIRULSHAHFUDDIN ZAINAL ABIDIN
KETUA PEGAWAI EKSEKUTIF ISLAMIC RELIEF MALAYSIA

Untuk Hebahan Segera

27 JANUARI 2019

IRM HARGAI SUKARELAWAN KEMANUSIAAN

BANGI – Berpandukan nilai kecemerlangan yang menjadi salah satu tunggak utama dalam setiap operasi dan tanggungjawab sosial, Islamic Relief Malaysia (IRM) mengambil langkah positif untuk menghargai para sukarelawan dalam aktiviti-aktiviti kemanusiaan menerusi Hari Penghargaan Sukarelawan 2018 di Bangi Golf Resort. Ia memberi penghargaan istimewa kepada lebih 170 sukarelawan IRM yang hadir.

Para Ikon Kemanusiaan IRM iaitu Kumpulan Saujana dan Dr. Aizan Sofia turut hadir bagi memeriahkan suasana.

Menurut Ketua Pegawai Eksekutif IRM, Zairulshahfuddin Zainal Abidin, Hari Penghargaan Sukarelawan 2018 diwujudkan bagi mengiktiraf usaha dan pengorbanan yang dicurahkan oleh para sukarelawan dalam membangunkan aktiviti kemanusiaan sekaligus melahirkan dunia prihatin terhadap isu-isu kemanusiaan sama ada di dalam atau luar negara.

“Kami mengiktiraf semua sukarelawan yang mempunyai potensi dan terlibat secara aktif dalam setiap program IRM. Menerusi Hari Penghargaan Sukarelawan 2018 ini, kami ingin menghadiahkan setinggi-tinggi penghargaan dan menghormati kesetiaan serta kesungguhan mereka dalam berkhidmat kepada para penerima manfaat kami.

“Selain itu, Hari Penghargaan Sukarelawan 2018 yang dikendalikan oleh Unit Pembangunan Sukarelawan IRM juga adalah tanda penghormatan dalam mengingati Hari Sukarelawan Antarabangsa yang disambut pada setiap 5 Disember.

“Antara fokus program ini dijalankan adalah untuk menghebahkan setiap aktiviti kemanusiaan IRM agar lebih ramai sukarelawan tertarik dalam menggembelng tenaga ke arah pembangunan sukarelawan yang lebih bersepadu di samping merapatkan hubungan kekeluargaan antara para sukarelawan dan IRM.”

Ia juga dilihat sebagai platform terbaik kepada sukarelawan untuk menceburi bidang kemanusiaan memandangkan aktiviti-aktiviti yang disediakan khas oleh IRM dapat memupuk jati diri seseorang individu.

Tahun lalu, IRM telah menjalankan sebanyak 32 program melibatkan sukarelawan. Melaluinya, seramai 839 individu kini sah menjadi sukarelawan IRM, 195 daripadanya telah menjalani Kursus Induksi Sukarelawan IRM, manakala 558 sukarelawan lagi terlibat dalam program IRM secara tidak langsung. Sehingga hari ini, IRM mempunyai lebih daripada 3,000 sukarelawan berdaftar di Malaysia yang bersedia untuk berkhidmat dalam dunia kemanusiaan.

Mengenai Islamic Relief (IR)

Islamic Relief (IR) adalah sebuah organisasi bantuan dan pembangunan kemanusiaan antarabangsa yang bebas. IR beribu pejabat di United Kingdom dan ditubuhkan pada tahun 1984. IR telah berkhidmat di lebih dari 45 buah negara, membantu lebih daripada 120 juta orang. IR juga mempunyai rangkaian tetap di lebih 30 buah negara merangkumi 100 buah cawangan di seluruh dunia. Skop bantuan IR merangkumi bantuan kecemasan, pembangunan mampan bersepadu, pengurangan risiko bencana dan advokasi.

YABhg. Tun Dr. Mahathir Mohamad telah merasmikan penubuhan Islamic Relief Malaysia (IRM) pada tahun 2005, bertujuan untuk meneruskan bantuan kemanusiaan IR di rantau Asia-Pasifik. Kini, IRM berperanan sebagai pejabat penjana dana dan pelaksana projek (antarabangsa & tempatan)

Untuk mendapatkan maklumat lanjut mengenai program kemanusiaan IRM, sila layari laman web rasmi IRM iaitu atau hubungi IRM di talian tetap 03-8926 3434.

Bagi mereka yang ingin membuat sumbangan, salurkan sumbangan anda ke nombor-nombor akaun berikut atas nama Islamic Relief Malaysia :

MAYBANK ISLAMIC | 5621 4270 8704

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

atau melalui :

CHARITY SHOPPE | TUNAI / KAD KREDIT

MOBILE APPS | IR Malaysia

Zairulshahfuddin Zainal Abidin

Ketua Pegawai Eksekutif

Islamic Relief Malaysia

- Tamat-

Dikeluarkan oleh,
Islamic Relief Malaysia (IRM)-Reg No: 657354-W
A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor
Untuk maklumat lanjut, sila hubungi **Unit Media**
di talian 03-8926 3434, faks 03-8925 3434 atau
emel: Malaysia.Media@islamic-relief.org.my